


正德新書
寶貴

吳下沈錦垣署



卷之五
詩經卷五
卷之五

本齋書籍
翻刻必究

奏爲恭

進經籍纂詁仰祈

聖鑒事

臣

於七月初十日面奉

諭旨

命

臣

將所撰經籍纂詁呈

進

臣

謹裝潢成冊恭呈

御覽欽維我

皇上道蘊符珍光垂圖冊

辰居念典論繹羣經

乙夜觀書詠成全史兼

聖作與明述煥乎文章維

稽古曰同天式於詒訓

經籍纂詁

奏議

精一執中之學誠協言詮

經天緯地爲文允符德業固已甄陶神海并括典謨

猶復

詢及芻蕘不遺葑菲式仰

聖衷之冲穆巍蕩難名益徵

帝學之高深涓埃莫贊

臣

見同窺管識等扣槃曾簪

朶殿之毫夙被

洪鈞之鑄前以督學之日撰茲纂詁之編育才首在

通經奉

聖人之至教博古務求載籍誦前哲之雅言依韻類文統長言短言而並錄卽字審義合本訓轉訓而俱收爰
集多士以分程乃勒十函爲一部屢經校勘尙有舛譌亦事補苴不無罅漏是以梨鐫甫就僅留爲家塾
之藏雖復葵嚮維殷未敢作

帝庭之獻廼蒙

垂詢

諭令進呈

幾餘賜覽臣跪聆之下感悚交并謹奉綈函敬呈

黼座五經之文爲道本秉

睿裁而期惠於藝林六籍之義以詁通舉下學而幸

歸於

天鑒臣謹繕摺并書十套進

呈伏祈

皇上睿鑒謹

奏

嘉慶十七年九月

日

有文字而後有詁訓有詁訓而後有義理之所由出非別有義理出乎詁訓之外者也詩烝民之篇曰天生烝民有物有則民之秉彝好是懿德宣尼贊爲知微之言而其詩述仲山甫之德本於古訓是式古訓者詁訓也詁訓之不忘乃能全乎民秉之彝詁訓之於人大矣哉昔唐虞典謨首稱稽古姬公爾雅詁訓具備孔子大聖自謂好古敏以求之又云信而好古而深惡夫不知而作者由是刪定六經歸于雅言文也而道卽存焉漢儒說經遵守家法詁訓傳箋不失先民之旨自晉代尚空虛宋賢喜頓悟笑問學爲支離棄注疏爲糟粕談經之家師心自用乃以俚俗之言詮說經典若歐陽永叔解吉士誘之爲挑誘後儒遂有詆召南爲淫奔而刪之者古訓之不講其貽害于聖經甚矣我

國家崇尚實學儒教振興一洗明季空疏之陋今少司農儀徵阮公以懿文碩學受知

九重敷歷八座累主文衡首以經術爲多士倡謂治經必通訓詁而載籍極博未有會最成一編者往歲休寧戴東原在書局實勦此議大興朱竹君督學安徽有志未果公在館閣日與陽湖孫淵如大興朱少白桐城馬魯陳相約分纂鈔撮羣經未及半而中輟乃於視學兩浙之暇手定凡例卽字而審其義依韻而類其字有本訓有轉訓次敘布列若網在綱擇浙士之秀者若干人分門編錄以教授歸安丁小雅董其事又延武進臧在

東專司校勘書成凡百有十六卷公既任滿赴

闕將刊梨棗嘉惠來學以予粗習雅故貽書令序其緣起夫六經定于至聖舍經則無以爲學學道要於好古
蔑古則無以見道此書出而窮經之彥焯然有所遵循鄉壁虛造之輩不得滕其說以衒世學術正而士習端
其必由是矣小學云乎哉嘉慶四年夏六月嘉定錢大昕序

訓詁之學發端於爾雅旁通於方言六經與義五方殊語既略備於此矣嗣則叔重說文稚讓廣雅探賾索隱屢可傳下及玉篇廣韻集韻亦頗蒐羅遺訓而所據之書或不可考且舊書雅記經史傳注未錄者猶多至五十二訓詁公口彙書考之著錄家罕見有此書唐志載天聖太后字海一百卷諸葛穎桂苑珠叢一百卷新唐志載顏真卿韻海鏡源三百六十卷自古字書韻書未有若此之多者意其書先儒訓詁是以卷帙浩繁而惜乎其書之已逸也曩者戴東原庶常朱筠河學士皆欲纂集傳注以示學者未及成編吾師雲臺先生欲與孫淵如編脩朱少河孝廉共成之亦未果及先生督學浙江乃手定體例逐韻增收總彙名流分書類輯凡歷二年之久編成一百十六卷展一韻而衆字畢備檢一字而諸訓皆存尋一訓而原書可識所謂握六藝之鈐鍵廓九流之潭奧者矣夫訓詁之旨本於聲音揆厥所由實同條貫如周南關雎篇左右芼之傳訓芼爲擇後人不從而不知芼苗聲近義同左右芼之之芼傳以爲擇猶田苗蒐狩之苗白虎通以爲擇取爾雅芼也亦與擇取之義相近也召南甘棠篇勿剪勿敗訓拜爲拔後人不從而不知拜與拔聲近而義同也邶風柏舟篇不可選也傳訓選爲數後人不從而不知選算古字通朱穆絕交論作不可算也鄭注論語何足算也以算爲數正與此同義也新臺篇蓬條不鮮箋訓鮮爲善後人不從而不知爾雅鮮省二字皆訓爲善正是一聲之轉且下云蓬條不殄殄讀曰腆其義亦爲善也小雅采芣篇六日不詹傳訓詹爲至後人不從而不知詹之爲至載於爾雅乃古之方言是以方言亦云楚語謂至爲詹也曲禮急繕其怒鄭讀繕爲勁後人不從而不知繕之爲勁乃耕仙二部之相轉猶辨秋東作通作平秩平左右亦作便蕃左右也學記術有序鄭注云術當爲遂聲之誤也後人不從而妄改爲州而不知術遂古同聲故月令審端徑術注云術周禮作遂也若乃先儒訓釋偶疏而後人不知改正者亦多有之如易屯六二女子貞不字陸績訓字爲愛已覺未安至宋耿南仲誤讀女子許嫁笄而字之文遂以字爲許嫁更不可通不如虞翻訓爲妊娠之善也堯典克諧以孝烝烝乂不格姦傳訓烝烝乂爲進進以善自治頗爲不辭不如蔡邕九疑山碑讀以孝烝烝爲句且依廣雅烝烝孝也之訓爲善也臯陶謨萬邦乂乂禹貢萊夷作牧雲夢土作乂史記夏本紀皆以爲字代作字文義未安不如用詩駒篇傳訓作爲始之善也禹貢嶠夷既略傳謂用功少曰略乃望文生義不如訓略爲治之善也康誥遠乃猷裕乃以民寧傳讀猷字爲句而訓猷爲謀不如斷猷裕爲句而用方言猷裕道也之訓爲善也詩邶風定之方中篇匪直也人檜風匪風篇匪風發兮匪車偈兮小雅小旻篇如匪行邁謀箋並訓匪爲非不如用左傳杜注訓匪爲彼之善也王風中谷有蓀篇曠其濕矣傳箋並解爲水濕與曠字之義相反不如讀濕爲暵用通俗文欲燥曰暵之善也魏風陟岵篇行役夙夜無寐傳以爲寤寐之寐不如讀寐爲沫而用楚辭注沫已也之訓爲善也小雅南有嘉魚篇烝然罩罩烝然汕汕傳依爾雅云罩罩烝也汕汕烝也不如說文訓爲魚游水貌之善也詩菁菁篇我心則休釋文正義並以休爲美不如用國語注休喜也之訓爲善也北山篇我從事獨賢箋

以爲賢才之賢不如毛傳訓賢爲勞之善也苑柳篇無自驅焉傳訓驅爲近與無自療焉之文不類不如廣雅腫病也之訓爲善也都人士篇序衣服不貳從容有常
鄭訓從容爲休燕不如緇衣正義訓爲舉動之善也大雅終篇曰止日時箋訓時爲是與曰止異義不如訓時爲止之善也卷阿篇有馮有翼傳云道可馮依以爲輔
翼不如訓爲馮馮翼翼滿盛之貌爲善也民勞篇無縱詭隨傳云詭人之善隨人之惡以登韻之字而上下異訓不如讀隨爲誨而訓詭誨之善也雲漢篇昊天上帝
則不我虞箋訓虞爲度文義未允不如訓爲有與助之善也月令養壯佼正義以佼爲形容佼好與壯異義不如訓佼爲健之善也桓十一年左傳且日虞四邑之至
也昭六年傳始吾有虞於子杜注並訓爲度不如訓爲望之善也宣十二年傳董澤之蒲可勝既乎杜訓既爲盡不如讀既爲暨用標有梅詩傳暨取也之訓爲善也
襄二十五年傳馮陵我敝邑不可億逞杜訓億爲度逞爲盡不如訓爲盈滿之善也後之覽是書者去鑿空妄談之病而稽於古取古人之傳注而得其聲音之理以
知其所以然而傳注之未安者又能博考前訓以正之庶可傳古聖賢著書本旨且不失吾師纂是書之意與歲在屠維協洽相月之朔弟子高郵王引之謹序

少宗伯儀徵阮公視學浙江以經術倡導一時思治經必先通詁訓庶免鑿空逃虛之病而倚古以來未有彙輯成書者因遴拔經生若干人分籍纂訓依韻歸字授之凡例示以指南葺年分纂成更選其尤者十人每二人彙編一聲知鏞堂留心經詁精力差勝嘉慶三年春移書來常州屬以總編之役鏞堂不辭謫陋謹遵宗伯原例申明而整齊之以告諸君子復延舍弟禮堂相佐請諸宗伯檄仁和廩生宋咸熙來司收掌對讀乃鍵戶謝人事晷夜汗流蚊積猶校閱不置書吏十數輩執筆候寫雖極繁劇匆猝不敢以草率了事與同纂諸君往復辨難國子監生嚴杰仁和附生趙坦頗不以鏞堂爲悠謬其所編書亦精審不苟皆學行交篤士也自孟夏始至仲秋告竣凡五閱月共成書一百一十六卷可謂經典之統宗詁訓之淵藪取之不竭用之無窮者矣蓋非宗伯精心卓識雄才大力不足以興剏造之功而非諸君子分纂之勤亦不能彙其成也卷秩繁重限於時日未盡覆檢原書而易書詩三禮蒼頡字林釋文楚辭等纂稿每科爲之審正經子有失載正文並補錄之校閱之下更隨筆改訂刪煩鉤要分并歸合而條次其先後俾秩然有章論其大端實足爲有功經學之書倘不知者指其小舛支支節節而議之是欲擿泰山之片石問河海於斷潢矣又烏足與語學問之事哉書旣成宗伯將授之剏闕以嘉惠來學鏞堂因識其顛末以告海內治經之士時嘉慶戊午秋九月三日武進臧鏞堂識於浙學使院之誤詁齋

一經傳本文即有詁訓如和會也勤勞也周書也命信也國語周需須也師衆也易象育君者好君也孟子梁親之也者親之也大戴記哀公敬文之恭也忠文之

實也正德之道也端德之信也並周語忠德之正也信德之固也左氏禮身之幹也敬身之基也成公元體之長也享嘉之會也襄九年陳水屬也火水妃也昭九年黃

中之色也裳下之飾也昭十二年漢水祥也水火之牡也昭十七年春日祠夏日祈公羊看曰田夏曰苗穀梁師衆以順爲武左氏經緯天地曰文昭廿八年谷才爲諷

魯語谷親爲詢左氏止戈爲武宣十二年皿蟲爲蠱昭元年無患曰樂樂義曰終大戴記約信曰誓泄牲曰盟禮記以及乾爲天易說震爲土左氏乾剛坤柔易雜

固比入左氏類皆詳爲采入元年

一傳注有云某某也易乾平夏傳元始也豐子夏傳某某也書大傳顯者事某某也某某也書大傳堯者高也饒某某也周禮天官序官注體某某謂某某家宰注鄭司

士兩謂某某之言某某也詩召南箋蕢之言某某曰某論語鄭注同門以某爲某曰某周禮醢人注鄭大夫杜子某某某某貌論語鄭注恂恂恭某某某某之辭某某是某某之

稱儀禮士虞禮注吾子相親之辭子男子之美某某讀爲某論語鄭注純讀某某讀曰某禮記曲禮注投讀某某讀如某呂覽季夏注飭讀如某考工記注鄭司

君舍垢之含泐讀如某某讀若某某之某儀禮鄉飲酒禮注如讀若今之某某古某字詩鹿鳴箋視古字也禮記古曰某今日曰某周禮外史注古曰名今日字論古聲某某同

再劫而後卦之劫某某讀若某某之某儀禮鄉飲酒禮注如讀若今之某某古某字詩鹿鳴箋視古字也禮記古曰某今日曰某周禮外史注古曰名今日字論古聲某某同

詩東山箋古者聲栗裂同古字某某同論語鄭注古字材哉同耳周禮外府注齋資同故書作某周禮天官序官注廣故書古文某爲某今文某爲某儀禮士冠禮注今

爲密古文紛爲結今文禮作醴禮記細某某或爲某某周禮小宰注杜子春云廉辨或爲廉某某誤爲某某大戴記保傅盧注替與某某當爲某某周禮醢人注齊當爲某某

衣注吉當爲告古文詒字之誤也某某或爲某某端掌舍注杜子春云棘門或爲材門某某誤爲某某大戴記保傅盧注替與某某當爲某某周禮醢人注齊當爲某某

近某內司服注鄭司農云屈者音聲與關相似長言短言公羊莊廿八年傳注伐人者爲客讀內言外言公羊宣八年傳注言乃者急言緩言淮南本經注騰讀近殆綴

繆之繆急氣之類聲音詁訓一以貫之今並纂入

一有以詁訓代正文者如史記五帝紀引堯典克明俊德作能明馴德慎徽五典作慎和五典夏本紀引禹貢覃懷底績作覃懷致功九江孔殷作九江甚中大戴記夏

小正乃伏傳作而伏少閒繁諸注作繁者今並纂入詩邶谷風有洸有潰毛傳云洸洸武也潰潰怒也周頌肅雝和鳴樂記云肅肅敬也雖雖和也皆長言申明之義茲

並纂入
一左氏爲古文公穀爲今文字多假借兩漢去古未遠所書碑碣亦假借爲多古人名與字皆有詁訓今並纂錄因三者體與正訓稍殊故俱隸於每字之末
經籍纂詁 凡例

一歸字謹遵

佩文韻府爲主一字數音則各審其反切歸之如有重見則詳前而略後

一歸字以所訓之字歸韻如迷匹也歸入尤部雙字如窈窕美客曰窈美心曰窕分繫條部窈窕二字下參差則歸於侵部參下崔嵬則歸於灰部崔下

一佩文韻府未載之字據廣韻補錄廣韻所無據集韻補錄凡一字數體通作或作之類皆據集韻附歸韻府中有一句內上下兩字可歸者例歸上一字而

上一字爲韻府所無下一字韻府有者則變例歸下一字

一同一詁而文有詳略者俱仍其舊不加增減如元始也爲第一次元者始也次元者善也長也次元猶首也可類推若同一元始也而諸書登見者則以易書詩爲次

同一易而先後登見者則以經之先後爲次同一卦一句而諸儒之詁登見者則先王弼本注次荀馬鄭虞依照時代元始也有無也字者統於元始也之下不加區別若諸書俱無也字則仍舊作元始不以意增

加

一重見者雖數十見皆采以證字有定詁義有同訓

一詁以聲相近者前列者如一東東動也風汜也衷中也三肴爰效也二腫腫鍾也一送恫痛也二沃屬續也此其例

一詁有以本訓前列者如一東同合也隆高也三肴匏瓠也一董孔甚也二腫豕大也一送衆多也貢獻也二沃足止也篤厚也此其例

一詁以本義前列其引伸之義展轉相訓者次之名物象數又次之其詁訓繁多名物叢積者先後之次略依爾雅十九篇之目

一引用羣經倣陸氏釋文之次先易書詩次周禮儀禮禮記次左氏公羊穀梁次孝經論語等爾雅爲詁訓之祖舉而冠諸方言廣雅之前孟子爲孔曾之亞尊而尚之

荀卿楊雄之上趣不同而尊經之意一也

一引經易書詩舉一字周禮左氏等舉二字

考工記不稱周禮

前漢書稱漢書後漢書稱後漢陸德明稱周易音義尚書音義毛詩音義今仍舉易書詩各經正文下祇稱釋文

以從簡省尚書大傳稱書大傳大戴禮記稱大戴記逸周書稱周書淮南子稱淮南子春秋稱呂覽呂覽但載孟春本生等小篇名不載孟春紀有始覽開春論等

總題猶書但稱堯典禹貢不稱虞書夏書詩但稱關雎鵲巢不稱周南召南也孝經老子卷帙無多不載章名

一十三經舊注以現立學官者列於前餘依時代如先王弼而後荀虞書詁先孔傳而後馬鄭王左氏先杜預而後賈服爾雅先郭璞而後舍人樊光李巡孫炎有

不詳姓氏者但稱舊注

一羣籍本注皆不稱姓非本注則稱姓以別之如易王弼韓康但稱注慈明何義則稱省注

夫注司農注杜子春注則稱杜注河上公章句一得老子注王弼注則稱王注郭象但稱莊子注司馬彪則稱司馬注

一裴駰自言則稱史記集解引用各家舊說則加引某師古自言則稱漢書集注引用各家舊注則加引某某三字如集解引賈逵等某三字如集注引應劭等

一前後漢書有總題小題今單舉小題不稱總題如景十三王單稱河間獻王傳不稱景十三王儒林單稱楊何傳丁寬傳不稱儒林循吏但稱文翁傳王成傳不稱循

吏後漢三國準此

一同一詁同一書而先後數十見者皆依本書次序連寫惟於篇名加墨匡爲誌至易一書始加又字以別之另一條始加圓圈以隔之

一凡韻字皆一而廣雅史漢騷選每多異文若一概作一勢必盡改舊書今遇異體者仍寫正字不作一

一正文與注並采者其注但稱某書注以避重複

一卷次謹遵 佩文韻府一韻爲一卷其卷帙繁多者亦倣韻府例每卷分爲上下

一此書訛舛之處在所不免凡取用之宜檢原書以期確實復因正書多所遺漏于每卷之後繼刊補遺一百六韻以備檢查

補遺凡例

一補遺採書悉依舊例前所失採俱爲增入又許氏說文及孔氏易書詩左傳禮記疏賈氏周禮儀禮疏舊皆未採今悉補纂每字下廣韻集韻某同及或作某通作

某已見前編今從省不書王君所編說文依唐韻分歸今依原採附於各字之音

總纂

武進藏鏞堂在東

武進藏禮堂和貴

總校

歙縣方起謙牧夫

錢塘何元錫夢華

收掌

仁和湯燧古巢

仁和朱咸熙德輝

分纂

山陰何蘭汀易王弼注李鼎祚集解老子河上公章句王弼注列子張湛注

殷敬順釋文

平湖朱為弼書孔傳馬鄭王注書異同考

嘉善孫鳳起詩毛傳鄭箋韓詩異同考

歸安丁授經周禮鄭注儀禮鄭注

歸安丁傳經禮記鄭注大戴記盧辯注

錢塘諸嘉樂左傳杜注嚴韻古注

錢塘吳文健公羊何注穀梁范甯集解

歸安邵保初論語何晏集解皇侃義疏孝經鄭注方言郭注

烏程周中孚孟子趙注孫奭音義周氏孟子四考賈誼新書太元范望集解

李軌注

仁和趙坦爾雅郭注舍人樊光等注齊民要術越絕書

蕭山王端履經典釋文古經解鈎沈三傳異同人名字異同

嘉興丁子復國語章注國策高誘注孫穀古微書

仁和孫同元周書孔晁注墨子韓非子

錢塘梁祖恩董輯書大傳周髀算經趙注顏氏家訓

仁和宋咸熙韓詩外傳

臨海洪頤煊劉熙釋名小爾雅

臨海洪震煊方言

蕭山徐鯤廣雅楚辭王注文選注

海寧陳鱣孫輔蒼頡篇任顗字林埤蒼聲類通俗文

海寧倪綬獨斷一切經音義華嚴經音義翻譯名義

海鹽吳東發隸釋

歸安楊鳳苞史記裴駭集解司馬貞索隱張守節正義

烏程張鑑漢書顏注蕭該音義三國志裴注

會稽顧廷綸後漢書李賢注晉書何超音義

錢塘嚴杰家語王肅注

會稽劉九華呂覽高注淮南子高注

臨海沈河斗孝經唐明皇注穆天子傳郭注春秋繁露鬼谷子鳴冠子

衡匡謬正俗

蕭山傅學灝莊子郭象注

錢塘吳克勤山海經郭注水經郭注

開化張立本白虎通風俗通新序說苑列女傳

錢塘陸堯春素問王冰注

分韻

仁和宋咸熙上平聲

海寧倪綬下平聲

錢塘諸嘉樂上聲

仁和孫同元去聲

歸安丁授經入聲

編韻

臨海洪頤煊上平聲九佳以上

臨海洪震煊上平聲十灰以下

蕭山徐鯤下平聲八庚以上

錢塘潘學敏下平聲九青以下

仁和趙坦上聲十八巧以上

黃巖施彬上聲十九皓以下

仁和趙春沂 去聲十七徽以上

仁和金廷棟 去聲十八嘯以下

錢塘嚴杰 入聲九屑以上

錢塘梁祖恩 入聲十葉以下

覆校

武進臧鏞堂在東

武進臧禮堂和貴

刊板覆校

甘泉林慰曾仲雲

江都林報曾小桐

弟 亨仲嘉

侄蔭曾封沂

男長生壽昌

補遺姓氏

總校

蕭山徐鯤

分校

仁和宋咸熙

仁和孫同元

補養

鎮洋王瑜 說文

仁和宋咸熙 儀禮鄭注 李鼎祚集解 易疏 左傳杜注

嚴輯古注 左傳疏 公羊何注 公羊疏

穀梁范甯集解 穀梁疏 三傳異同

韓詩 韓詩外傳 詩異同考 太元范望

集解 法言李軌注 呂覽高注 鬼谷子

鳥程周中孚 詩毛傳鄭箋 詩疏 爾雅郭注

錢塘嚴杰 周禮鄭注 周禮疏 禮記鄭注

臨海洪震煊 書孔傳馬鄭注 書疏 論語何

國策高誘注 風俗通 越絕書 國語韋注

露賈誼新書 大戴記盧辯注 論衡

鹽鐵論 韓非子 董仲舒書大傳 說苑

新序 墨子 周髀算經趙注 匡謬正俗

臨海洪震煊 經典釋文 山海經郭注 水經

蕭山徐鯤 史記正義 漢書顏注 蕭該音義

錢塘姜遂登 孟子趙注 孝經鄭注 老子河

荀子楊注 列子張湛注 殷敬順釋文 莊

海寧倪綬 白虎通 周易孔晁注 劉熙釋

編韻

仁和孫同元 上平聲

臨海洪震煊 下平聲

仁和宋咸熙 上聲

仁和趙坦 去聲

仁和趙春沂 入聲

卷首

序文

凡例

姓氏

目錄

卷第一

上平聲

一東

二冬

三江

四支

五微

六魚

七虞

八齊

九佳

十灰

十一真

十二支

十三元

十四寒

十五刪

卷第二

下平聲

一先

二蕭

三肴

四豪

五歌

六麻

七陽

八庚

九青

十蒸

十一尤

十二侵

十三覃

十四鹽

十五咸

卷第三

上聲

一董

二腫

三講

四紙

五尾

六語

七麌

八薺

九蟹

十賄

十一軫

十二吻

十三阮

十四旱

十五潸

十六銑

十七篠 十八巧 十九皓 二十咎 二十一馬 二十二養 二十三梗 二十四迴

二十五有 二十六寢 二十七感 二十八儉 二十九璫

卷第四

去聲

一送 二宋 三絳 四寘 五未 六御 七遇 八霽

九泰 十卦 十一隊 十二震 十三問 十四願 十五翰 十六諫

十七霰 十八嘯 十九效 二十號 二十一箇 二十二禡 二十三漾 二十四敬

二十五徑 二十六宥 二十七沁 二十八勘 二十九豔 三十陷

卷第五

入聲

一屋 二沃 三覺 四質 五物 六月 七曷 八黠

九屑 十藥 十一陌 十二錫 十三職 十四緝 十五合 十六葉

十七洽